

Na osnovu čl. 52. i 53. Zakona o upravi („Službeni glasnik BiH“, br. 32/02 i 102/09), člana 33. Odluke o načelima za utvrđivanje unutrašnje organizacije organa uprave Bosne i Hercegovine („Službeni glasnik BiH“, broj 30/13), čl. 6. i 7. Odluke o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine („Službeni glasnik BiH“, broj 30/13) i Odluke o uspostavljanju Ureda koordinatora za reformu javne uprave pri Uredu predsjedavajućeg Vijeća ministara Bosne i Hercegovine („Službeni glasnik BiH“, br. 4/05, 33/07 i 85/10), predsjedavajući Vijeća ministara Bosne i Hercegovine, uz saglasnost Vijeća ministara Bosne i Hercegovine sa 16. sjednice održane 23. jula 2015. godine, donosi

PRAVILNIK
o izmjenama Pravilnika o unutrašnjoj organizaciji i sistematizaciji Ureda
predsjedavajućeg Vijeća ministara Bosne i Hercegovine

Član 1.

U Pravilniku o unutrašnjoj organizaciji i sistematizaciji Ureda predsjedavajućeg Vijeća ministara Bosne i Hercegovine (broj: 01-1-547/2003 od 24.12.2003. godine, broj: 01-02-1424/05 od 17.05.2005. godine, VM broj: 280/05 od 08.12.2005. godine, broj: 01-02-954/08 od 24.04.2008. godine i VM broj 59/08 od 24.04.2008. godine, broj 01-02-86/09 od 16.04.2009. godine i VM broj 103/09 od 16.04.2009. godine i VM broj 14/2011 od 12.01.2011. godine) u poglavlju III - Ured koordinatora za reformu javne uprave, u članu 6f „Sistematizacija radnih mjesta i opis poslova“ stav (2) tačka 1. koordinator za reformu javne uprave „Uslovi radnog mjesta“ mijenja se i glasi:

„Uslovi radnog mjesta:

- VSS društvenog smjera; poželjan viši akademski stepen (magisterij ili doktorat);
- najmanje pet godina radnog iskustva u struci, od čega 3 godine na rukovodećim poslovima;
- dobro poznavanje rada u javnoj upravi ili reforme javne uprave;
- sveobuhvatni multidisciplinarni pristup, izražene operativne i organizacijske vještine; naglašena sposobnost za rukovođenje i komunikaciju; dobro poznavanje engleskog jezika.

U istom članu u stavu (2) tačka 2. zamjenik koordinatora za reformu javne uprave „Uslovi radnog mjesta“ mijenja se i glasi:

„Uslovi radnog mjesta:

- VSS - pravni fakultet;
- najmanje pet godina radnog iskustva u struci, od čega 3 godine na rukovodećim poslovima;
- dobro poznavanje pitanja reforme javne uprave;
- dokazano analitičko znanje i iskustvo u rukovođenju; poželjno poznavanje postupka javne nabavke; vrlo dobre vještine prezentovanja i komuniciranja; dobro poznavanje engleskog jezika.

Član 2.

Pravilnik stupa na snagu danom davanja saglasnosti od strane Vijeća ministara Bosne i Hercegovine.

Broj: 03-02-2-129-6/15
23. jula 2015. godine
Sarajevo



**PREDSJEDAVAJUĆI
VIJEĆA MINISTARA BiH**

Dr. Denis Zvizdić